



Broj: 17-06-1-02-3-257/16
Datum, 15.12.2016. godine

Na osnovu člana 15. Zakona o Graničnoj policiji Bosne i Hercegovine ("Službeni glasnik BiH" broj: 50/04, 27/07 i 59/09) i člana 70. Zakona o javnim nabavkama Bosne i Hercegovine («Službeni glasnik BiH» broj: 39/14), direktor Granične policije Bosne i Hercegovine, d o n o s i

ODLUKU

I

Prihvata se preporuka Komisije za javnu nabavku, da se po sprovedenom postupku javne nabavke profesionalnih ručnih termovizijskih kamera putem konkurentskog zahtjeva, zaključi Ugovor sa najpovoljnijim ponuđačem **«MIBO KOMUNIKACIJE» d.o.o. Sarajevo**, čija je ponuda u iznosu od **23.344,00 KM** bez uračunatog PDV-a bila sa najnižom ponuđenom cijenom od ponuda koje su ocijenjene kao prihvatljive.

II

Izabrani ponuđač dužan je da dostavi dokaze o ispunjavanju uslova iz tačke 9. tenderske dokumentacije u roku od 5 dana od dana prijema ove Odluke.

III

Odluka stupa na snagu danom donošenja.

Obrazloženje

Granična policija Bosne i Hercegovine Odlukom broj: 17-06-4-16-2-186/16 od 26.09.2016. godine pokrenula je postupak javne nabavke dvije profesionalne ručne termovizijske kamere putem konkurentskog zahtjeva. Na javnom otvaranju ponuda održanom 12.10.2016. godine konstatirano je da je ukupno pristiglo pet blagovremenih ponuda. Pregledom pristiglih ponuda utvrđeno da je ponudu sa najnižom cijenom dostavio ponuđač «PROTEKTA» d.o.o. Sarajevo. Obzirom da se iz ponude ovog ponuđača nije moglo utvrditi da li ponuđene profesionalne ručne termovizijske kamere zadovoljavaju sve tehničke karakteristike tražene tenderskom dokumentacijom od ovog ponuđača zatraženo je pojašnjenje, pojedinih karakteristika ponuđenih termovizijskih kamera što je ovaj ponuđač i učinio te je dana 09.12.2016. godine dostavio traženo pismeno pojašnjenje. Iz dostavljenog pojašnjenja ovog ponuđača vidljivo je da ponuđena kamera ne zadovoljava tražene karakteristike iz razloga što ponuđeni model kamere nema integriran "real time clock", odnosno datum i vrijeme ne ostaju na fotografijama i video zapisu. Takođe raspon temperature je od -20 do +50 stepeni celzijusa, dok je tenderskom dokumentacijom tražen raspon od -20 do +60 stepeni celzijusa. Komisija je konstatirala da je ponuda ponuđača «PROTEKTA» d.o.o. Sarajevo neprihvatljiva. Ponude ostalih ponuđača ocijenjene su kao prihvatljive, odnosno tehnički zadovoljavajuće.

Komisija je pristupila ocjenjivanju ponuda prema utvrđenom kriteriju za odabir najpovoljnije ponude, odnosno isključivo «najniža cijena».

Nakon toga Komisija je konstatovala da je najpovoljniju ponudu dostavio ponuđač «MIBO KOMUNIKACIJE» d.o.o. Sarajevo obzirom da je ponudio prihvatljivu ponudu s najnižom cijenom od ponuda koje su ocijenjene kao prihvatljive.

Komisija je dala preporuku da se Ugovor za nabavku dvije profesionalne ručne termovizijske kamere za potrebe Granične policije BiH zaključi sa ponuđačem «**MIBO KOMUNIKACIJE**» d.o.o. Sarajevo čija ukupna cijena ponude bez uračunatog PDV-a iznosi **23.344,00 KM**.

U postupku donošenja ove Odluke ocijenjeno je da je Komisija pravilno i potpuno izvršila ocjenu prihvatljivosti pristiglih ponuda, u skladu sa kriterijima iz tenderske dokumentacije, te da ne postoji osnov za neprihvatanje preporuke Komisije za javnu nabavku.

Na osnovu svega naprijed navedenog odlučeno je kao u dispozitivu Odluke.

POUKA O PRAVNOM LIJEKU: Protiv ove Odluke može se izjaviti žalba Uredu za razmatranje žalbi BiH u roku od 5 (pet) dana od dana prijema Odluke. Žalba se predaje putem Granične policije Bosne i Hercegovine.

DOSTAVITI:

- Ponuđačima (x5)
- Odsjek za poslove nabavke i logistike
- A/a

**DIREKTOR**
Glavni generalni inspektor
Zoran Galić 